



Gobierno de México

NA'THÁN rí naxti'khuu,
nariguu mí najáñuu mba'a
inii rí na'thán Kíxnuu 2°
drígo Xtu'wáa Xtángoo
Wajaa Mixíí ná na'thán mbáá
numúú xabu mí xuajin
katsúún gajmíí angan' ló' tsí
skuni giaxuún.

Lengua indígena o agrupación lingüística y Autodenominación

Tlapaneco o Me'phaa

Variante lingüística y Autodenominación

Tlapaneco central bajo o me'phaa xkua ixi ridií

TSIAKHI MA'NI MBANUU
GU'WÁ ÑA'ÑÚÚ THÚNGAA WAJAA

NA'THÁN rí naxti'khūu, nariguūu mí najáñuu mba'a inii rí na'thán Kíxnuu 2° drígoo Xtu'wáa Xtángoo Wajaa Mixíí ná na'thán mbáá numúú xābū mí xuajin katsúún gajmíí angian' ló' tsí skuni giaxuún.

Ná rawuun iyijí' kama mbá tsina kamaa Biyú Numbaa Mixíí, ikhín i'thán: Xúgíí Mbaa Mixíí. - Gu'wá Tsaan drígoo Numbaa Mixíí.

ANDRÉS MANUEL LÓPEZ OBRADOR, Thúngaa Wajaa drígoo xúgíí Numbaa Mixíí, na'thúún xābū xuajñuu rí:

Guájmaā Mixíí Tsianuu, ni'ni mbá rí máján nixu'ma inu' rí maṭigoo ajngáa rígi':

NAGÁJNUU XTÁNGOO NA'THÁN

“GÚAJMAA NUMBAA MIXÍÍ, XÓMÁ JAYÁ SKIYUŪ' MÍ GITIAJUÍN I'NI KÍXNUU 135 DRÍGOO XTU'WÁA XTÁNGOO WAJAA MIXÍÍ, JAMÍ GAJMAÁ AJNGÚÚN MBÁ 31 GAKUMAA XTÁNGOO NÁ MBAA XUI'THÓO MIXÍÍ, I'KHA LA NÁ NA'THÁN ÑAJUUN XUAJIN MIXÍÍ NA'THÁN RÍ NAXTI'KHUŪ, NARIGUŪ MÍ NAJÁÑUU MBÁ TIKHU RÍ TRA'À AWÚUN KÍXNUU 2° DRÍGOO XTU'WÁA XTÁNGOO WAJAA MIXÍÍ, NÁ NA'THÁN MBÁÁ NUMÚÚ XĀBŪ MÍ XUAJIN KATSUU GAJMÍÍ XĀBŪ TSÍ SKUNI GIAXUÚN TSÍ JÚWÁ NÁ MBAA MIXÍÍ.

Kíxnúu Mbóó idxuún. Naxti'khūu xtu'wáa jumā ginii, riajma, riakhū mí tiwitsu; xui'thóo I, II, III, IV jamí rí V, VII, VII rí najmaa xúgi' ná Kiajuun A; xku'a'nii má' xtu'wáa jumā ginii, riajma gajmaá xui'thóo I, II, III, IV, V, VI, VII mí VIII rí najmaa xúgi' jamí xtu'wáa jumā riatsú ná Kiajuun B; i'khā la xtu'wáa jumā ginii ná Kiajuun C; naṭa'āa mbá xtu'wáa jumā majun; mbá xtu'wáa jumā riajma ná xui'thóo II, xui'thóo rí V, VI, VII, nagáyu ta'án rí i'wá, naṭa'āa mangaa mbá xtu'wáa jumā riajma ná xui'thóo VIII rí xúgi', jamí ná xui'thóo XII mí XIII ná Kiajuun A; naṭa'āa mangaa mbá xtu'wáa jumā ajma ná xui'thóo I jamí xui'thóo II, III, VI, X, XI gajmaá XV, mí nagáyu ta'án rí i'wá, ná awúun Kiajuun B; naṭa'āa xtu'wáa jumā rí ajma jamí rí atsú ná Kiajuun C; xú'khui má mangaa naṭa'āa mbá Kiajuun D; nagájnāa xtu'wáa jumā riajma ná xui'thóo VII rí xúgi' jamí xtu'wáa jumā rí imboó ná Kiajuun A, xúgií kíxnuu 2° drígoo Xtu'wáa Xtángoo Wajaa Mixíí, kajngó xá'nii inguanúu ne:

Xtángoo 2°. Mbóó inii Xuajin Mixíí jamí tsíwi'tháa ne, jayá skiyuū' ne ná wáa rí kuá'dáá, namañúú mí nuní xābū xuajñuu.

Numbaa Mixíí jagu ra'a minā' gajmaá xúgíí rí namañúú nuní xābū xuajin, jamí mba'a inúu xuajin katsúún tsí júwá, ikhiin ñajúún tsí xóó juyā nakhúu xó niguwá rajúwá asndo nákhí xóó táguá'nú xābū xtíloó ná numbaa Mixíí; jamí ikhaa rú'khui júwee' múu nguáná má xúgíí nguáná má' mbá tikhu, ikhaa ne nuní mbajaa mí nusngáa apha, nakhúu xó mītrajua', xó magajaa xuajin, xó rí namañúu jamí jamí rí nawaa idxuún.

Ikhaa jumā rí kuá'dáá tsyduu rí xó nuní nuwin mijnéé rí xābū xuajin katsúún ñajúún, mbájnđi rú'kui mbi'yáá nakhúu rí ikhiin ja'ñúu mītambáñúu gá'ni xtángoo rí na'thán numúu.

Xuajin katsuu ñajuun xúgíí xuajin ná jambáxuún ndu xābū, mbóó jumúú gajmaá numuu rí nuní jamí namañúu jamí nuní mbajaa xuajñúu, mbóó inii juba' júwee' ndu jamí nūrawíín xābū ñajun tsí nduyā idxuū xuajin xómá i'thán xtángoo rí guá'dáá ikhiin rí nuthan ñajun mijnéé.

Xtambáá drígúun xuajin katsuu rí muthan ñajun mijná ikhiin, ja'yoo rí maḡánúngoo ni masngutigoo' ne Xtángoo wajaá kajngó xáxpí'thá miná' Numbaa Mixíí. Rí maḡoo maḡuma nuw̄in mbá xuajin katsuu, ja'yoo rí m̄itiamakuíí xtu'wáa jumá rí tima tsudj̄í ḡijyo' ná awúun kíxnuu xtángoo rígi' jamí xkua'nii má' mangaa xó ja'ñúu mí ajngáa katsuu rí nuthiin, ná gí xuajñúu i'khaa xó rí rí nunj̄ nuwin mijnéé ikhiin.

Naguma nuw̄in rí nunj̄ xab̄u mí xuajin ná mbaa júw̄e' jamí gí'doo numuu awan rí guá'dáa inuu xtángoo, xkua'nii má' drígúun ñajuun rí júwá múu mangaa.

A. Xtu'wáa Xtángoo Wajaá rígi' na'ni nuw̄in jamí ríga ma'ni mbánuu rí ja'ñúu xab̄u mí xuajin katsúun rí mbuya idxuun, ikhaa kajngó muthan ñajun mijná ikhiin xó:

I. M̄uwá'dáa awan, tsud̄u xó na'thán xtángoo drígúun jamí xó na'thán Xtu'wáa Xtángoo Wajaá Mixíí rígi', xó muthan ñajun mijnéé ikhiin, xó m̄ambaxúun, xó munj̄ ndu mijnéé, xó mbu'yéé mbúkhaa maḡajaa xuajñúu, xó m̄uraw̄in tsí muthan ñajun jamí xó najumúu juya mijnéé.

II. Majmúu mí munj̄ gajaá xtángoo drígúun xó rí muthan mijnéé mí munj̄ mbánj̄ mbá xkujndu awúun xuajñúu, xánúngúun inuu Xtu'wáa Xtángoo wajaá Mixíí, xúnj̄ ngínj̄ xab̄u, jamí maphú ja'yoo rí mbuya makúun mí xúnj̄ ñawúun gu'w̄u. Xkua'nii má mangaa xtángoo gá'thán náá rí ja'yoo maḡumuu inúu tsí n̄urajuá' ná Gu'wá Gitrajuíí.

Ná rí mbaa xuajin katsuu, ikhín m̄i'thán ñajuín gúnj̄ xab̄u ñajun tsí nagájnúu inj̄ xab̄u xuajin ikhín, magóo tsud̄u rí xó nuthan ñajun mijnéé ikhiin, indoo numuu rí xánúngúun inuu Xtu'wáa xtángoo Wajaá drígo Numbaa Mixíí jamí i'wá xtángoo rí na'thán mbáa numúu xúgín xab̄u.

III. Muraw̄in tsí mbuya idxūu gu'wá ñajun drígúun gajmaá numuu xtángoo rí guá'dáa kajngó muthan ñajun mijnéé ikhiin, indoo numuu rí xúrikhúun gu'w̄u ni xabekha rí mbrígu gágí'doo numúu kajngó magoo m̄uxuxij̄ ñawúun muthiin tsáa nandúun maḡajnúu ma'ni ñajun jamí xkua'nii má' mangaa majanúu munj̄ ñajun inuu xuajin; xkua'nii má' mangaa ja'yoo rí maḡajnúu mbi'ñúu mudee idxūu ñajun mba'w̄u gá'ni xuajin, kajngó ja'yoo m̄ambanúu rí na'thán xtángoo Mbaa drígo Mbaa Mixíí, xó ja'nii mbámbá xui'thóo Mba Mixíí jamí xómá i'thán xtángoo drígo xuajin Mbaa Mixíí. Asndu nimbá mi'tsú máxúthun ríguun rí maḡoo m̄uriyaa' Thúngaa ná Xuajin Idi.

IV. M̄itiawaán, m̄itixij̄ jamí maḡajaa xúgíí rí máján kuá'dáa nunj̄ mí n̄amañúu, ganindxūu ne rí ríga inuu numbaa o asndu nguá jumá, ikhaa ñajuun rí xúgíí jagu ra'a miná' mí nasngájma tsáa ñajúun. Naguma nuw̄in la xúgíí rí nunj̄ kumaa xuajin, xómá na'thán xtángoo rí ríga.

V. M̄idrá'áa jumá rí majmaa, maḡajaa, m̄ithan̄j̄ gajmaa, m̄i'sngáa jamí maḡuma nuwiin ajngáa katsuu rí nuthiin, ikhaa rí nambáyúu nagu ra' miná' mba'a jumá xuajña lú' numbaa Mixíí, ná ríga mba'a inii ajngáa katsuu rí majmaa apha mbá xúgíí awúun gu'wá ñajun, gu'wáa jamí rixaá asndu náá.

VI. Majuwéé muxnij̄ jumá, xó na'thán Kíxnuu 3° Xtu'wáa Xtángoo Wajaá Mixíí, rí maḡuma mbánj̄ nakhúu rí m̄i'sngáa kajngó maḡuma nuwiin mba'a inii jumúu xuajin katsuu Numbaa Mixíí tsud̄u nakhúu rí nduyáa mí n̄amañúu nunj̄, ajngúun, jamí nakhúu xú m̄i'sngáa jamí m̄ithan̄j̄ gajmaa.

VII. Magajaa, maguma, mbayaa skiyuu' jamí mjsngájma apha xó ja'nii nuní thana xabu xuajin, jamí xú nudrigúun ijín cháña' ídu nagumii, xó gitiawaán tsí jagu éda, xó na'ni xuajin jamí xó gí gitiawaán éwáa. Nagixii la gamakúun tsí nuní thana xkua'nii, rí gída' idxúun jamí xú rí namanúu nuní thanii.

VIII. Mitiawaán rí maxándátiga jamí maguma máján tsianii la ná júwee', mitiawaán la xúgí rí nda'ya xanáa, namanúu, nuní nuwijn mí xó najmúu ne, mitiawaán xúgí mbañúu, asndu gajmaá rí ríga ná nunda'a tsúkhaan xuajin rí muyambá mijná (inuu júba, nama', krúsi xána jamí i'wá) xó má na'thán mbáá xtángoo rí ríga apha numuu rí nu'thán ló'

IX. Muxuda' mijné, gajmaá gamaku, ná nákhúu xtángoo na'ni akuíin rí maguá'daa mbañúu xó rí tra'a awúun Xtu'wáa Xtángoo Wajaa Mixíí jamí i'wá xtángoo rí na'thán numuu mbaa, xkua'nii má mangaa ja'yoo mbáa tsí xabu riatsí o xabu xuajin, rí majmúu mí mbuyee mbi'ñúu gajmaá numuu xúgí rí ríga inuu mbaa ná júwee' jamí najmuu xuajin, indóo numuu rí xanújngoo ne ná júba' rí ríga ñajuun awúun Xtángoo Wajaa Mixíí. Xí xkua'nii nandúun xuajin magoo mambaxúun xó na'thán xtángoo.

X. Murawíin, ná júwá xabu xuajin katsuu, tsí maxtaa ná Gu'wá Ñajun idxuu xuajin gajmaá numuu mbi'ñúu asndu nguá rí nda'yóo, indóo numuu rí mitiawaán majuwá xabekha mí gu'wu jamí mbrígu má gá'ni mbámbá ajngáa mí xuajin katsuu xó má' na'thán xtángoo. Xkua'nii má' mangaa, xtángoo rí gí'doo mbámbá xui'thóo numbaa Mixíí ja'yoo ríga ma'ni mbánuu rí xkua'nii garigá kajngó mbayá skiyuu' rí magajaa jumá rígi kajngó mbi'yá mbi'ñúu mí munii ñajun mba'wu mí magi'doo numuu rí muthiin.

Nigájnaa xtu'wáa jumá

XI. Muxuda' mijní mbá jañii akuíin ná inuu Gu'wá ñajuín Mbaa. Rí mambanúu xkua'nii rá, mbá xúgí xkujndu mí kitrajuá' gajmaá nindxúun, ikhaa má xí mbáwíí mí ikhaa má' xí jañii xuajin, ja'yoo rí mitiamakuíí awan rí gí'doo xuajin, xó ja'ñúu jamí náa ajngáa ithiin tsuduu nakhúu rí xú na'thán Xtu'wáa Xtángoo rígi'.

Xabu tsí nuthan ajngáa katsuu, tsitsíí, ja'yoo rí mitambáñúu gá'ni mbáa tsí namanúu xtángoo, tsí naguwí jngaa, tsí na'thán wíí, tsí na'thán mbáa, jamí namanúu mújúun xtángoo numuu xuajin katsuu, mba'a inii xó mitrajuá', nakhúu xó mitiamakúun xabekha mí gu'wu, jamí nguáthá xó mixti'khuu ajngáa mí xó júwa xabu xuajin katsúun.

XII. Mbuyee nakhúu rí ja'yoo mbá xúgí xó nandúun magajaa xuajñuu gajmaá numuu rí marigá mbúkhaa, xó jambaxúun, xó jumúu, rí nduya makuí xúgí rí nda'ya ná júwee' jamí rí ríga inuu numbaa xó i'thán xtángoo rí ríga.

XIII. Ja'yoo rí mitraxúun gajmaá numuu xtángoo nuxi' rí naka ragájnuu o awan rí nagída' numúu, ra'khá maguma ngíní ma'chúu mbaa ná júwee', ja'yoo mitraxúun kajngó muxnií ajngúun xí naguii' o mbi'yá mbá awan rí tsianuu gajmaá nindxúun.

Rí mitraxíí xuajin xí naxná ajngóo, ja'yoo rí ma'ni gajmaá gamaku xó na'thán xtángoo kajngó mitambáñúu xó ja'yoo mitambáñúu xándátigúun nitháan xó rí na'thán Xtu'wáa Xtángoo Wajaa Mixíí.

Xí ídọ rí naríga mbá awan numúy rí nambáyúu mbáwíi x̣aḅy, x̣aḅy tsí nagajnuu mújúun ikhaa gá'ni numuu xúgíí ñajun rí mambanúu gajmaá numuu gitraxi.

Tsí nagajnuu mújúun gajmaá numuu mbá awan rí naríga ná inúú xuajin katsuu, ikhaa má xí mbáa x̣aḅy ikhaa má xí mbá gu'wá ñajun, maphú ja'yoo rí ma'ni rámaa mbá xtambáyú rí tsianuu ná inuu xuajin xó ja'yoo i'thán xtángoo.

Tsí ja'yoo ma'ni xkujndu xí támbánuu xó ja'yoo ná'thán ná xui'thóo jumá rígi', ikhiin má' x̣aḅy mí xuajin katsuu ja'ñúú munì rú'khuì, ndawaa imbaa. Ikhiin ja'ñúú munì rú'khuì ná inuu gu'wá ñajun rí ja'yoo. Ikhaa xtángoo gá'ni jmbuú xó ja'yoo mbámbá nakhúu rí mikhúy kajngó mambanúú mújúun xkujndu.

Nigájnaa xtu'wáa jumá

B. X̣aḅy ñajun Numbaa Mixíí, X̣aḅy ñajun Mba xui'thóo Mixíí, X̣aḅy ñajun Mba xui'thóo Mbaa Tsiakhíí jamí tsí ja'yoo ná xuajin Mixíí, ja'yoo muxna nakhúu náá rí gu'wá ñajun jamí náá rí jumá ixná x̣aḅy ñajun nikhíí rí mambanúu xó ja'yoo mambanúu rí na'thán mbáa numuu xúgíí xuajin katsuu jamí xó magajaa ne, gajmaá jumá rí gu'adáa x̣aḅy xuajin gajmaá má' rí najmaa inuu mbaa mí maxáyámuu ne mangaa, ikhaa rú'khuì kajngó x̣aḅy ñajun tsí kithán numúú gi'jyo' ja'yoo mambaxúún' gajmíí x̣aḅy mí xuajin rí mury'wáa jumá.

Rí mambanúu jumá rú'khuì, x̣aḅy ñajun tsígi' ja'yoo munì mbáníí rígi':

I. Mbu'yée jumá rí magajaa ndu xúgíí awúun xuajin jamí xkua'nii má' mangaa xúgíí mbaa xuajin júba ná júwá x̣aḅy katsúún, kajngó maga'nuu gajmaá tsiana tsiakhi, ja'yoo maríga mbá nakhúu xó magajaa mí mbayáa la skiyuu' xó gitiajuín xanáa, xó gidu xúgíí rí ju'yá mbi'ya ló, xó naguma xaxtu, xó gitiawáán tsíga, rí najmaa xanáa naphu ló', jamí gitiajuín júba', ná rí tsíjmaa thana natsikhá iná jamí iya thana xkawì' rí ngamí magudíin x̣aḅy.

Ikhaa xtángoo maxná nakhúu rí xá'ni ngíjyúu mambaxúún rí mbuya tsiakhí x̣aḅy mí xuajin katsuu rí magajaa, maguma nuwíin la ñajun xtaja mí ñawún kajuaa rí nasngájma xó júwá x̣aḅy mí nuxna jumá mijná awúun xuajin.

II. Mutheen mí mbuyáa, tsuduy xtángoo jamí ma'ni mbrígyu la rí ja'yoo mí nda'yóo, mbúkhaa rí mabrígú mbámbá xuajin katsuu gajmíí x̣aḅy xuajñuu jamí ikhiin má xuajin gúthan ñajuín mbúkhaa rú'khuì.

III. Tsuduy rí xó na'thán xtángoo, maguá'dáa awan rí naguì' mambáyúu rí maguma nuwíin mí magí'doo numuu xúgíí rí kuá'dáa nunì mí namañúú x̣aḅy xuajin katsuu, xú rí nunì kumaa jumá gajmaá idxúun, rí namañúú jamí rí nasngájma rí na'ni mbámbá xuajin jamí xó ja'ñúú x̣aḅy katsúún.

IV. Maguma mbáníí mí mbayáa skiyuu' xó Gisngáa Jumá Katsuu, Gisngáa gajmaá mba'a inii jumá, ná ríga mba'a inii ajngáa, xkua'nii kajngó:

a) Rí mī'sngáa mī'tháan mí magixnuu, jamí rí mbá xúgíí xtu'wá tsiguìí rajá'yoo mītruma nitháan, magu ra'a xúgíí, ja'yoo rí ma'ni mbrígu miná' ne gajmaá xó najumuy mbámbá xuajin jamí xó mixti'khuu mbámbá ajngáa rí nuthiin;

- b) munĭ gajmaā kiajúún x̄abŭ ajngáa katsuu jamí mĭ'sngáá ja'yoo magĭ'ĭ nakhúu rí mĭ'sngáá maka rí nda'yóo xuajin;
 - c) Ja'yoo magĭ'ĭ nakhúu rí marĭgá mbúkhaā xtambáyú tsigajmaā asndu náa xtu'wá tsiguiĭ rí munĭ gajmaā tsí x̄abŭ ajngáa katsuu;
 - d) Ja'yoo maḡuma kumaa mí maḡuma nuwiin nakhúu rí mĭ'sngáá ajma inii ajngáa, gajmaā nakhúu jumā gisngáá mí gĭtsĭgajmaā rí najmúú x̄abŭ xuajin katsuu; jamí
 - e) Maḡuma májáan mí maḡti'khŭu nakhúu rí mĭ'sngáá ná rí maḡuma nuwĭin mí mĭsngájma apha rí nĭnĭñáá xĭñu xĭ'ñá ló' jamí nguáthā jámaa ne inuu Numbaa Mixíí; xkua'nii má mangaa mĭ'sngáá xó mambaxúún asndu nguáthā inúú x̄abŭ, xáwá'tháan ngínáa nimbáa gajmaā numuu ajngóo, xuajñuu o xó giaxŭu mbo'.
- V. Maḡuma mbánĭí rí xúgĭin x̄abŭ xuajin katsuu gátra'a mbi'ñúú munĭ thana, maḡriga mba'a ná maḡuma thana tsudŭ xó ja'nii júwá mí najumúú x̄abŭ mbámbá xó mixti'khuu xuajin, jamí xkua'nii má mangaa mĭtiamakuiĭ xó nunĭ thana mijná x̄abu xuajin.
- VI. Ja'yoo marĭgá namañuu rí mbuya mbi'ñúú x̄abŭ kajngó asndu nimbáa xáxkĭdxŭu ni maḡá'yóo rí mĭkhŭ xó ja'yoo rí mambáyúu xuyuu maḡtáa, xkua'nii má ĭwáá mĭtiaxŭún rí mŭpĭ'tsu mújúún xúgĭí ĭjĭn cháñā' jamí ĭjĭn makiin kajngó mitsaan gága'nuu.
- VII. Maḡuma májáan la xúgĭí xó júwá x̄abŭ xuajin ajngáa katsuu jamí xkua'nii má mangaa ná rí nambáxiin nunĭĭ gagi o nduyaa xúun', rú'khui ĭ'thán rí ja'yoo mama'thoo mŭxudee' mbi'ñúú rí mĭtambáñúú majanúu mbúkhaā munĭ májáan gu'wúun, jamí xkua'nii má' mangaa ja'yoo marĭgá xúgĭí rí nda'yóo majuwá múu (ya'si, agu, jambaa, ikhoo ya'smba, jamí ĭ'wá), gajmaā rí rĭga jamí rí namañúú nunĭĭ ná xuajin kajngó maḡá'chúu mbaa.
- VIII. Ja'yoo mĭtiaxĭĭ rí mĭ'da mbi'ñúú gu'wŭ xuajin katsuu, mbrĭgu gá'ni numúu gajmĭĭ x̄abekha kajngó mbrĭgu gúyee tsiakhĭ maḡsimúu xó ĭka ragajaa xuajin; xó rí munĭ gajmaā, xó mŭwá'dáa ĭyŭu' mbaa; muxnĭĭ jumā inuu xuajin, jamí rí munĭ gajaa jumā gajmaā gamaku rí mĭ'thán mbáa numúu xúgĭin x̄abŭ.
- IX. Ja'yoo rí maḡuma mbánĭí jamí magajaa xó rí maḡriguún, maḡóo mí muthan ra'a mijná mí mambaxĭin xuajin katsúún, ikhaa rú'khui maḡindxŭu rí mabóo inuu jambaa gajmaā itsí, marĭgá ajuān' nandxákuun, ajuān' xtámindu, ajuān' kithán ra'a jamí skiyŭu' ajuān' idĭ rí maḡsimuu maḡataa nachā ajngáa maḡgro'oo awúun numbaa.
- X. Mbi'yá nakhúu xó maḡuma mbánĭí rí ikhiin xuajin katsuu maḡoo mutsĭ, mŭrŭgua, mŭsngajma apha, munĭ gajaa jamí muthan ñajuĭin xúgĭí ajuān' rí nastró'oo mikhuu ajngáa jamí ĭ'wá ajuān' rí nuxĭ' nagájnuu naxu'ma ajngáa, jamí ja'yoo rí mbaa skiyŭu' ne gá'ni ná mada ajngáa jamí marĭgá mújúún má' ná máti ne mañajun mangaa, kajngó a'khui gájmúú x̄abŭ xuajin katsuu muthan, mŭsngajma ajngúún jamí ĭ'wá rí namañúú nunĭĭ ná xuajin katsuu.
- XI. Mbi'yá awan xáni gá'ni rí maḡoo muguá'dáa x̄abŭ xuajin katsuu xúgĭí rí rĭga nambáyúu nastrá'an mí nastrĭgúu nachā ajngáa rí naxu'ma naḡa tsĭngua' numbaa, xáxóo mĭtrikhúún xuajin munĭ ru'khui, ja'yoo rí mbrĭgu gájanúu tsiakhĭ kajngó maḡoo mŭsngajma aphae nguáthā rí mba'a inii guá'dáa mí xó ja'ñúu.

XII. Mitambáyí xúgí ñajun rí nambáyúu najmaá rí ju'yá mbi'ya ló' jamí rí magajaa tsianuu xuajin katsuu kajngó mambáyúu rí maxáriga ewe, marigá mbúkhaa, marigá ñajun mĩtiumbáá, jamí majmaa jumá nuxi rí xó mĩ'du gajmaá má rí xó nduyáá nuñajun xabu; xkua'nii kajngó mbaa rí m̄raxi xabu ído naganúu ndijya' jamí xkua'nii má mangaa kajngó maguá'dáa mbaa tsiakhĩ magóo judúun rí nijmaá m̄ngujuęę ná xuáá mudaá mbúkhaa, jámbaa magoo ma'ni rú'khui.

XIII. Xúgĩn xabu ñajun ja'yoo rí mu'gí mbá jumá nakhúu rí mĩtambáñúu mí mĩtiawuún xabu xuajin katsuu tsí nagájnúu xuajñúu nagóo gúyumbáá tsíngua', ikhaa má' xí awúun numbaa Mixíi ikhaa má' xí nakĩdiin ndawaa nagóo Mbaa Ríguíi. Rí mbambánúu rú'khui, ja'yoo maguma rígi':

- a) Maguma nuw̄in rí gí'doo numuu xó nambáxúun nunii ñajun ikhaa má' xí ni'gíi xuajñúu ná niguá'nii o xí indóo júwęę' mbégo awúun rí nuyumbáa awúun numbaa Mixíi;
- b) Ja'yoo maguma mbánii mĩ'thán mbáa numúu xabu tsí nuñajun xanáa, gu'wu tsí nuñajun gu'wáa jamí tsí ngínii rakáxiin nigumii;
- c) Maguma mbánii rí mbi'yá rí maguma thanúu gu'wu, jamí xkua'nii má mĩtambáñúu tsiakhĩ rí muni gajmaá jamí m̄pi'tsu mújúun ijin cháña', ijin makiin, ijin gu'wu jamí jñáma tsí nigájnúu xuajñúu;
- d) Mĩtiawáan mí maguma mbánii rí xándátiga rí mĩ'thán mbáa numúu; i'khaa la
- e) Mĩtasngájma apha, gajmaá tsianuu xó ja'núu, xó ja'nii júwęę' mí rí najumúu jamí mĩ'da mbi'núu mitambáñúu ná rí naguá'nii jamí ikhín majanúu tsiakhĩ rí majuwá mújúun gu'wáa jamí xkua'nii má majuwęę' ndu gajmii xabu xuajñuu.

Xtángoo mba'yá nakhúu xáni gá'ni rí xabu xuajin katsuu tsí nigájnúu ni'gí xuajñúu ná gúbí jamí tsí júwá mbégo nuyumbáa, rí máxándátigúun rí xabu xuajin numbaa Mixíi ñajúun jamí xkua'nii má' mangaa rí maxuniñáa xuajñúu ná nigájnúu.

XIV. Mĩtraxúun xuajin katsuu xó i'ni akuiín rí maguma mbánii iyii' nakhúu rí mañajun Majun Tsigu Thúngaa Numbaa Mixíi jamí xkua'nii má mbá xúgíi Mbaa Xui'thóo Mixíi jamí thúngaa idi ná júwęę' xkua'nii má asndu xuajin Mixíi, ná iyii' rú'khui ja'yoo maṭa'aa jumá rí naxná mbámbá xuajin katsuu.

XV. Xí ríga rí nandoo xabu ñajun ga'ni ná júwęę', ja'yoo mĩtraxúun gajmaá gamaku mí xáriga ngu'woó inúu xabu xuajin katsuu, xí ra'khá xúgĩn gitraxúun ja'yoo rí mĩtraxúun xabu ñajun tsí juyá idi o juya ikháa ñajun ná xuajñúu, xí tsíwatraxií nimbáa rajá'yoo mbáyá idxuu thúngaa ni imbaa xabu mbá rí maxámbáyúu xuajin jamí indóo magaguma ngínii gá'ni, ma'chúu mbaa ná júwęę', ja'yoo mĩtraxúun kajngó muxnee ajngúun, xómá na'thán ná xui'thóo XIII rí kama ná Kiajuun A drígoó kíxnuu rígi'.

Gu'wá ñajuín ná gatiin tsí nuni kumaa xtángoo drígoó Guájmaá Mixíi, Mbaa xui'thóo Mixíi, jamí Gu'wá Tsaan Mbaa, asndu náa ja'núu, ja'yoo rí m̄riyęę' kiajuun mbúkhaa rí majmaa, jamí mu'gíi nakhúu rí ikhaa mbúkhaa rú'khui magoo muthan ñajuín ne xabu xuajin katsuu muni rí nda'yóo xuajñúu, jamí ja'yoo majmúu ne tsuduu xó i'thán xtángoo rí majmaa mbúkhaa.

Xtángoo rí tima gijyo' ná'thán mbáá numúú xúgiin x̣aḅu xuajin katsuu, jamí asndu nguá xuajin tsí xtáa o ja'nii xú júẉẹ' ikhiin gitambáyí mangaa xómá na'thán xtángoo, kajngó asndu nimbáa xánguaná ṭiyoo inuu xtángoo.

C. Xtu'wáa Xtángoo Wajaa Mixíí rígi' na'ni nuẉiin xúgíi xuajin ná júwá ɔ̣ngiɔ̣n' ló' tsí skuni giaxuún, asndu xómá in̄i nuwin mijnéé ikhiin, rí xó ja'n̄úú, rí ɔ̣m̄ān̄úú jamí rí nun̄i, ikhaa xúgíi rú'khụi nun̄i tsi'yáa la numbaa Mixíí. Xúgíi k̄iajuun xtángoo rí wá'thán numuu ináa iȳi' tsud̄i, na'thán mbáá numúú mangīin kajngó magoo magajaa tsianuu xuaj̄nuu jamí asndu nimbáa xánguá ná ṭiyoo xó na'thán Xtu'wáa Xtángoo Wajaa Mixíí rígi', jamí xkua'nii má' mangaa rí muthan ñajun mijnéé ná xuaj̄núú ja'yoo ma'ni xómá' na'thán xtángoo, rí māxáxp̄i'thá miná' numbaa Mixíí.

X̣aḅu mí xuajin mbaa skuníi jagu ra'á miná' gajmíi xúgiin x̣aḅu tsí Mbaa Ridáa Áfr̄ika tsí n̄i'khā ji'diin gajmaá tsiakh̄i nin̄i x̣aḅu xt̄ilo jamí ni'gíi xuaj̄núú ná inuu Mbaa Mixíí asndu nákh̄i xú'khụi, kuá'dáa ñaj̄un xó nambáx̄uun', xó ndu'yéé rí juyéé mbi'n̄úú, xó n̄uraw̄īn x̣aḅu ñajun jamí mixti'khuu jumúú, gá'ni má xí nákh̄a xúgíi xó ja'n̄úú wajyúú, jamí nuthīin mangaa rí mixti'khuun inúú i'w̄īn x̣aḅu mí xuajin.

Xúgiin x̣aḅu xuajin Mbaa Ridáa Áfr̄ika na'thán xtángoo rí gitiamakuíi rí nun̄i awúun mbaa ná júẉẹ', gí'doo numúú inuu xtángoo xkua'nii má gí'doo numuu mbá xúgíi rí guá'dáa. Mba'a rí kithán mbáa numúú, ikhaa ñajuun rí:

- I. Rí m̄itiawáan xó ja'n̄úú, xó júẉẹ', xó ndu'yáa rí mitsú'khaan jamí xúgíi rí jagu ra'á rí guá'dáa, rí ɔ̣m̄ān̄úú nun̄i, rí najumúú, ikhaa má xí rí na'ni mbáw̄i x̣aḅu ikhaa má xí rí na'ni xúgíi xuajin, māmbānúú xómá rí na'thán xtángoo.
- II. Rí m̄isngájma apha, rí maguma nuw̄iin jamí rí m̄itiawáan xúgíi rí ɔ̣m̄ān̄úú, rí máján nin̄iñáa maxúxi gamaku rí n̄i'khā rage'e numbaa Mixíí jamí rí mba'a inii rí mitsaan kuá'dáa inuu numbaa Mixíí, xúgíi rú'khụi ja'yoo māta'aa ná jum̄a nakhúu xó m̄i'sngáa awúun mbá xúgíi xtu'wáa tsigu; jamí
- III. Māto'oo mbi'n̄úú ná tra'á mbi'n̄úú tsí nudu rí ju'yá mbi'ya ló', māta'aa la mbi'n̄úú mbi'yáa tsáa ñaj̄un, xómá naríga mbámbá witsu o guw̄a' tsigu, jamí asndu náa gitrax̄i, ikhaa rú'khụi kajngó mbámbá gu'wá ñajun mu'gí nakhúu xáni gá'ni rí māto'oo mbi'n̄úú ikhiin gajmaá xuaj̄núú kajngó maguma nuw̄iin xáni in̄i nu mijnéé.

D. Xtu'wáa Xtángoo Wajaa Mixíí jamí rí dr̄igoo Mbaa Tsiakh̄i, na'thán rí ja'yoo maguma mbáníi rí kithán mbáa numúú gu'w̄u xuajin katsuu jamí ɔ̣ngiɔ̣n' lú gu'w̄u tsí skuni giaxuún, ja'yoo rí nimbáa xár̄uthun rígúun majuwéé mur̄iguii jum̄a xó nandúun magajaa xuaj̄nuu; xkua'nii má' mangaa rí mbuyéé idxúun ná nda'yóo inuu xuajin; m̄itasngájma apha jamí m̄itiamakuíi rí ja'n̄úú mun̄i gajmaá, rí mun̄i thanee, xó muwá'dáa iȳu' mbaa ná júẉẹ' jamí i'wá rí na'thán xtángoo numúú.

Ja'yoo ma'ni mbánuu xtángoo rí m̄itiawuún tsianuu īj̄in, j̄náma, īj̄in gu'w̄u gajmaá ajngúun, rí gako rí mun̄i gajmaá māmañúú mújúun maḡida idxúun rí máján, rí mun̄i thanee, māmañúú mújúun majmúú ajuan' idi rí nuxi', māmañúú xó júwá i'w̄īn, rí muts̄īn, m̄i'sngúun muñajuīn mbuyéé mbi'n̄úú jamí i'wá rí nda'n̄úú. Xkua'nii má' mangaa rajá'yoo manguaná t̄iñúú', ni māx̄i'xnúú mañawúun, ni rajá'yoo mbá jayu rí maguma ráj̄īn m̄itrugua sm̄indīin nimá rí m̄i'thán ngínúú o m̄i'thúun nikhuáa gu'w̄u,

xkua'nii má mangaa rí mbiyá nakhúú mbá juma rí m̄axangájmii rí xkawi' m̄utsikhēe ndíí, iná xkawi o iya najngaa, tsitsíí rí m̄jtiamakuíí xó ja'ñúú mí xó rí máján nu'gí m̄ijné̄e m̄anindxúún.

Thúngaa Mbaa Mixíí, Xui'thóo Mbaa Mixíí jamí Xuajin idi, mbu'yé̄e m̄umbayíí asndu ná ja'ñúú rí m̄ambanúú xúgíí xtángoo rí na'thán Xtu'wáa Xtángoo Wajaa drígōo Mixíí kajngó asndu nimbáa m̄axánguaná t̄iyoo, m̄i'thán ngínáá o m̄agumaa nikhuáa, kajngó m̄axá'ni rí tsíkujma xtáa x̄abu mí xuajin katsuu gajmáá xuajñúú x̄abu tsí skuni giaxúún.

Xtángoo ginii ja'yoo ma'gí nakhúú xó rí m̄aguma mbaa jamí m̄aguma mbáníí xúgíí rí na'thán mbáá numúú x̄abu xuajin katsuu gajmíí x̄abu tsí skuni giaxúún xó na'thán Xtu'wáa Xtángoo Wajaa Mixíí

Xtu'wáa Xtángoo Wajaa jamí i'wá xtángoo rí ríga ná Mbaa Xui'thóo Mixíí asndu ná ja'ñúú, ja'yoo mu'gíí nakhúú xó gá'ni rí m̄aguma mbáníí xúgíí kixtiambáá rí na'thán Kíxnuu 2° Xtu'wáa Xtángoo Wajaa Mixíí rígi'.

Xó m̄ambanúú

Ginii. - Xtángoo rígi' rí niríya Thúngaa Wajaa, xí nigájnúu má ne ná Iyíí' Tsetse Mbaa Mixíí magí'duún mañajun ne ñmba watsi.

Riajma. - Ído rí magí'duún mañajun Xtángoo rígi', rí niríya Thúngaa Wajaa, najáñúu xúgíí juma rí tsí'khu minaa' gajmáá numuu rí nuxi nigájnúu xúgi'.

Riatsú. - Najanáá Guájmaa Mixíí mbá 180 mbi'i, m̄agixnuu asndu nákhí rí ñmba watsi xó i'thán kíxnuu ginii, rí ja'yoo maríyee mbá xtángoo apha rí ma'ni mbrígu minaa' gajmáá xúgíí xtángoo rí na'thán numúú xuajin katsuu mí m̄bu skuni giaxúún, kajngó m̄ikh̄u minaa' ne gajmáá xtángoo rígi' rí niríya' Thúngaa Wajaa.

Riakhu. - Thúngaa Wajaa Mbaa Mixíí najanáá mbá 180 mbi'i, nagí'duún nagáyuu asndu nákhí rí ñmba watsi xó i'thán kíxnuu ginii rígi', rí ma'ni mbánúu m̄adró'oo apha kixtiambáá numúú x̄abu xuajin katsuu gajmíí x̄abu xuajin m̄bo skuni giaxúún, awúun mbi'i rú'khuí ja'yoo rí ma'ni mbrígu minaa' la xúgíí xtángoo rí nu'thán ló numuu, ikhaa rí nigájnúu nuxi' xúgi'.

Tiwitsu. - Xúgíin x̄abu ñajun tsí juya idi ná mbá ná atsú xka'doo gu'wá ñajuín, asndu xó ja'yoo nuthan ñajuín ja'yoo rí muní mbríguíí la xtángoo kajngó m̄aguma mbáníí rí muthan ñajun m̄ijná ikhiin x̄abu xuajin katsuu jamí m̄bo skuni giaxúún, jamí ḡitiawaán rí m̄axáxpí'thá minaa' numbaa Mixíí xómá' na'thán Xtu'wáa Xtángoo Wajaa Mixíí, jamí xkua'nii má mangaa m̄aguma mbáníí rí magí'doo numuu rí xó nambáxúun nuní mbáníí xkujndu ná xuajñúú. Xúgíí rígi' m̄ambanúu awúun rí 180 mbi'i, nagí'duún nagáyuu asndu nákhí rí ñmba watsi xó i'thán kíxnuu ginii rígi'.

Timajun.- Mbúkh̄aa rí majmaa gajmáá numuu rí maxti'khuu xtángoo ma'ni mbríguíí la gajmáá Xtu'wáa Xtángoo Wajaa Mixíí, ikhaa rú'khuí magajnúu ñajuun gúní x̄abu ñajun tsí nigájnúú ni'ni xuajin rí nuní kumaa xtángoo, ma'thán kha'wu ikhaa náá gájmaa ne, majmúú tsí m̄ura'áá xó najmaa mbúkh̄aa; xí maxti'khuu xó mbuya ikháá ñajun m̄bo nura'áá xó ijmaa mbúkh̄aa, ja'yoo rí mbi'yáá náá gá'kha mbúkh̄aa xí nda'yóo xóo mí ma'ni mbríguíí la ne tsud̄uú xó na'thángoo, numuu rí rajá'yoo nimbá mi'tsú matsimaa o m̄ariguu mbúkh̄aa rí majmaa tsigu rígi' xó na'thán xtángoo.

Tijuwan. - Thúngaa Wajaa Mbaa Mixíí maxná ñajun rí mǐ'thán wí jañii káxǐ xtángoo rǐgǐ' mbámbá ajngáa katsuu rí rǐgá ná numbaa Mixíí jamí mba'yoḡ xáni gá'niǐ rí maḡró'oo apha ne maḡuma nuwiin xó ja'yoo.

Timigiñu. - Rí maḡoo miṭra'aá mújúun jumá rí gí'doo xtángoo rí nigájnuu giyyo', maphú ja'yoo rí maḡixnuu makoo rí na'thán Xtu'wáa Xtángoo Wajaa Mixíí jamí Xtángoo awan rí kuaṭuun minaa'ǐ'wá xuajin numbaa ná rí jimaa mí nixnúu ñawún Numbaa Mixíí, xkua'nii má mangaa jumá rí nigǐ'duḡun muu xtángoo rǐgǐ'.

Xuajin Mixíí, mbi'i 29 ǐka ñajun ḡun' mijna ḡuwa' rí tsigu 2024. - Sen. Gerardo Fernández Noroña, Thúngaa.- Dip. Ifigenia Martha Martínez y Hernández, Thúngaa.- Sen. Verónica Noemí Camino Farjat, Naguxǐjngáa.- Dip. Nayeli Arlen Fernández Cruz, Naguxǐjngáa.- Xngráma.”

Rí maḡuma mbánii xó rí na'thán xui'thóo I drǐḡoo Kíxnuu 89 drǐḡoo Xtu'wáa Xtángoo Wajaa Mixíí, jamí rí maḡi'tháa aphaḡ ne jamí rí maḡuma mbánii ne, naṛíya Iyǐi' Xtángoo rǐgǐ' ná Gí Gu'wá Ñajun Tsiakhǐi drǐḡoo Thúngaa Wajaa, ná xuajin Mixíí, timbá 30 ǐka ñajun ḡun' rí tsigu 2024.- Andrés Manuel López Obrador.- Xngráma.- Naguxǐjngáa Gu'wá ñajun Wajaa, Luisa María Alcalde Luján.- Xngráma.